



Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

6. De ara, S. vestibus.

urn:nbn:de:hbz:466:1-40716

C A P. VI.

De Ara, sacris Vasis & Vestibus.

Altare in quo sacrificium peragitur lapideum 1
esse debet propter durabilem & firmiorem
materiam: In primitiua Ecclesia in ligneis altari-
bus consecrabant, satis verò est, ut superior ea pars
super quam calix cum patena ponitur, lapidea &
consecrata sit.

Summus Pontifex sacerdoti simplici committe- 2
re potest facultatem altaria consecrandi, vt facit
Religiosis in Indiam profi scientibus.

Duplex est altare, vnum mobile seu portatile, al- 3
terum fixum seu stabile. Quare hoc consecratio-
nem amittit, per amotionem à structura: Non item
alterum per amotionem à ligno execratur.

Tam portatile, quam fixum altare consecratio- 4
nem amittit per notabilem fractionem, quæ cense-
ri solet, si in nulla altaris parte calix cum patera con-
sistere possit. Idemque sentiendum de aliis rebus
benedictis, calice, sacris vestibus.

Dictum illud, *Non sacram accessione ad sacram, effi- 5*
ciatur sacram, potius locum habet in liquoribus.

N.B. Alba v.c. benedictionem amittit, si per
fractionem inepta sit ad sacram suum usum, vel si
cingulum ita frangatur, ut neutra eius pars ad cin-
gendum sufficiat, si tamen ante plenam separatio-
nem reficiatur & partes connectuntur, seruabitur
consecratio.

Non amittitur consecratio calicis per solam sepa- 6
rationem pedis à cuppa in calice tornatili, quia sola
cuppa in calice tornatili per se consecratur. Alia ra-
tio est de calicibus, qui pedem amobile non habent.

Ttt 5 Pro-

- 7 Probabile est calicem non execrati noua inauratione secundum superficiem interiorem, cum enim forma calicis permaneat, non videtur consecratio amitti, quemadmodum neq; Ecclesiae consecratio perditur, si muri denuo dealbentur. Honestum tam est, ut post profanarum manuum contractum, & nouae materiarum appositionem calix aqua benedicta prius lauetur, quam ad sacrificandum adhibeatur.
- 8 Valde conueniens, licet non simpliciter necessarium est, ut in quolibet altari sacræ reliquias sint.
- 9 Si altaris sigillum seu loculus in quo sacræ reliquias sunt, notabiliter frangatur, altari iterum conservari oportet, cum sigillum hoc censeatur præcipua pars mensæ, meritò ob cuius fractionem vel motionem ipsa mensa, siue lapis notabiliter confractus seu dimidiatus aestimatur.
- 10 Altare, Calix, Patina, Corporale polluantur per humani seminis, aut sanguinis effusionem, ut reconciliari debeant: quod si verò ad communem usum adhibeantur, non violantur, sed simplici benedictione reconciliare decens est.
- 11 Sacræ vestes, quibus sacerdos in missa vtitur benedictæ esse debent, & pallæ parte interiori debent esse lineæ cum sint pars corporalis, mappa etiam duplex corporale subiecta esse debet.
- 12 Calix & patina ex materia aurea, argentea, vel stânea esse debent, non ex ligno, vitro, ferro, &c. pes etiam potest esse ex plumbō aut cupro.
- N.B. Calix & patina debent benedici & Christiante inungi ab Episcopo; Religiosi societatis in Indiam proficiscentes ex privilegiis papali possunt benedicere. Calicis purificatorum ex lino debet esse bene-

benedictum, lumen etiam requiritur, etiam ex suo
ynum, si aliud haberi non possit: preces ante missam
obligant sub veniali.

Ministrum altaris, qui sacerdoti respondeat, & 13
viceulos porrigit, marem non scemnam esse oportet: sanctorum tamen ex loco remoto responde-
re possunt, & consuetudo obtinet, ut parochi in pa-
gis sine ministro respondentे celebrent.

Vestes sacræ quibus sacrificans induitus esse debet 14
sunt amictus, Alba, Cingulū, Manipulus, Stola, Ca-
sula. Cingulū debet esse benedictum etiā sic ut alia.

Vestes & sacra vasa oportet esse munda, & si neg- 15
ligentia sit à parte sacerdotis non mundantis, erit
mortale.

Sacrificans nudo capite esse debet.

Si aliquid ex requisitis ad sacrificium celebран- 16
dum desit, attendere oportet; hinc quidem quan-
topere id requiratur ad sacrificii celebritatem; hinc
vero quanta sit celebrandi necessitas. Nam sine ve-
stibus sacris non licet celebrare; Excepto casu gra-
uissimæ necessitatis, puta ob mortis periculum; Idē
dicendum de aliis, sine missali tamen si quis constan-
tissima memoria polleat, quis in casu aliquo celebra-
re poterit, si scandalum absit, & si magna sit cele-
brandi necessitas v.c. si populus cum scandalo dimitti
deberet, posset celebrare sine stola, vel manipulo:
sine magna autem necessitate non licet sine his ce-
lebrare. Nam eo casu quo missa ritè ac decenter ce-
lebrari non potest, cessat obligatio legis de sacro fa-
ciendo, velaudiendo.

Sacerdos non debet populum benedicere, si ce- 18
lebret coram Romanæ sedis Cardinali, vel coram
Episcopo, nisi is annuat seu licentiam det.

Sacra

19 Sacra vasā, in quibus continetur corpus Christi, tangere Laico est mortale; si vacua est, veniale, si contemtus absit, etiam in sanctimonialibus corporalia & purificatoria prius leuiter lauari debent à Diacono antequam sanctomialibus aut virginibus dantur iterum lauanda.

NB. In Minoribus ordinibus constituti non audent attingere sacra vasā, propter praxin Ecclesiastū & communem DD. sententiam.

20 Vester & Pallas benedictas, quae nec christmate vnde sunt, neque sacrum Christi corpus immediate contingunt cum reuerentia etiam laicis contingere permisum est. Lacerata tamen & vetustate absumpta igni debent absumi, & non ad profanos usus adhiberi.

21 Sacras reliquias cum reuerentia tangere laicis non est licitum.

22 Decens est, ut sacræ pixides & ciboria benedicantur, quamvis id non in omnibus Ecclesiis usitatum sit.

C A P. VII.

An & quibus casibus sacrificium missa interrumpere vel imperfectum relinquerelicitum sit.

Nunquam licitum est directa intentione accedere ad consecrandum solum panem sine consecratione vini; Estenim contra Christi institutionem, sacrificium mutilum reddere, unde sacrilegium. Quod si tamen in aliquo casu hostes heretici ingruant ad occidendum sacrificantem in altari, potestis hostiam iam consecratam statim sumere, si ad con-